

四庫全書

集部

欽定四庫全書

集部

兩宋名賢小集卷一百

七十七至  
八十三

詳校官中書臣閔思毅

助教臣常循覆勘

總校官編修臣王燕緒

校對官編修臣吳省蘭

謄錄監生臣葛瀛三

欽定四庫全書

兩宋名賢小集卷一百七十七

宋 陳思 編

元 陳世隆 補

澹菴詩集

胡銓字邦衡廬陵人建炎二年進士甲科紹興五年  
以賢良方正薦除樞密院編修官抗疏詆和議累謫  
吉陽軍孝宗朝歷權中書舍人兼國子祭酒權兵部

侍郎以資政殿學士致仕卒謚忠簡有澹菴集

和林和靖八梅

用汝南故事  
禁用語物字

感時濺淚幾時乾  
顧影伶俜獨立難  
自恐迹孤無與對  
誰憐族冷不勝寒  
未應一世供愁斷  
長願三更秉燭看  
雨過花邊行更好  
猶嫌子美借銀鞍

風亭小立夢初殘  
步步凌空對廣寒  
照眼雙明清可掬  
閒情一味澹相看  
曉縈瑞露黏初潤  
晴映高雲薄未乾  
三嗅臨風思無限  
葉宮遙夜酒初闌

暗裏尋香自不迷  
照空馬用夜然臍  
欲危踈朵風吹老  
太瘦長條雨颭低  
孤豔幾時同把盞  
野香猶記助看題  
唐人未識高標在  
浪自紛紛說李蹊

瘦吟幽翫有餘妍  
更向高人獨樂園  
無垢未應經露沐  
不緇寧信受塵昏  
春風自識明妃面  
夜雨能清水部魂  
揅向膽瓶看更好  
凜如明水薦雷樽

當年曾見鳳城頭  
入骨貪看興未休  
小摘欲論千種恨  
微吟先喚一番愁  
每嫌俗物薰心醉  
長願清馨滿意留

穠李倚風梨帶雨，比方應合面驄羞。

縞屨練悅照釵荆，霜竹寒松秀色并。  
八詠格高凌太白，千林地迴切西清。  
著枝有味知深意，歌屋無言似薄情。  
日暮水邊空悵望，渾如湘浦見皇英。

一年佳處早梅時，勾引風情巧釣詩。  
未分霜凌禁瘦朶，漸看春入奈愁枝。  
晚尤奇特憐無伴，夜欠分明祇自私。  
冷落便須憑酒煖，從今鄒律未消吹。

紛紛紅紫勿相猜，自古騷人酷嗜梅。  
皂蓋折花憐老杜，

黃梅時雨憶方田一生耐冷天憐惜滿世趨炎我獨來  
桃李爭春身老大急須吟醉莫停杯

追和東坡雪詩

為瑞應便種麥鴉餘光猶得映書車也知一臘要三白  
故作六霙先百花授簡才慳慙賦客披蓑句好憶漁家  
擬酤斗酒聽琴操三百青銅絡畫叉

過三衢呈劉共父

別離如許每領引邂逅幾何還著鞭微服過宋我何敢

大國賜秦公不然衰鬢凋零已子後高名萃律方丁年  
即看手握天下砥山中宰相從雲眠

元注予自兵侍罷歸從三衢城外遵陸以兩夫  
肩簋與太守劉共父謂予云兩夫肩輿甚似微  
服過宋因作此戲簡用吳體

雷州和朱彥秀才詩時欲渡海

何人著眼覩征驂賴有新詩作指南螺髻層層明晚照  
蜃樓隱隱倚晴嵐仲連蹈海徒虛語魯叟乘桴亦漫談



爭似澹菴乘興往銀山千疊酒微酣

紹興十八年戊辰十一月十五日新州編管人  
胡銓移吉陽軍編管先是廣東經畧使王鈇問  
知新州張棣曰胡銓何故未過海銓嘗賦詞云  
欲駕巾車歸去有豺狼當轍棣奏銓倡和毀謗  
而有是命棣選使臣游崇部送封小項筒過海  
銓徒步赴貶人皆憐之至雷州守臣王超捕游  
崇私茗械治厚餉銓超後亦得罪澹菴此詩不少

屈撓真鐵漢又過於劉器之云丙子年始移衡州  
和李參政泰發送行韻

落網端從一念差崖州前定復何嗟萬山行盡逢黎母  
雙井渾疑到若耶山鬼可人曾入夢相君談易更名家  
此行所得誠多矣更願從公北泛槎

元註李參政詩云夢裏分明見黎母生前定合  
到朱崖蓋予嘗在新州夢一媼立牀前曰吾黎  
母也黎姑山在瓊崖儋萬之間予瞻所謂四山

環一島是也先是秦檜大書三人姓名於其家  
格天閣下曰趙鼎李光胡銓所必欲殺者也鼎  
謫瓊州紹興十七年丁卯卒光字泰發時謫儋  
州澹菴朱熹之行經過儋州故泰發以詩送之  
澹菴夙有黎母之夢付諸前定如謫新州時亦  
謂前定福唐幕中分扇得一畫騎驢人西南行  
者後新州之命亦若暗合夫不以遷謫介意而  
付之於分非達人不能也

次李參政送行韻答黃舜楊

打成大錯一毫差  
萬里去尋留子嗟  
微管閒思齊仲父  
使奴長價漢渾邪  
道窮憐我空憂國  
句好知君定作家  
便欲相攜趁帆飽  
要觀子美賦靈槎

遊白龍洞

懸崖怪石水潺潺  
宜有神龍隱此間  
窮勝不妨歸險洞  
尋春那止看羣山  
攀龍行即天邊去  
躍馬聊同野外還  
好景良辰適相會  
一樽聊共水雲閒

買愁村

北往常思聞喜縣南來怕入買愁村  
區區萬里天涯路  
野草芳煙正斷魂

噴雪亭

廬峯漱玉舊傳名今見青原噴雪成  
兩處山川肯相下  
洗除塵垢一時清

題永興觀

連雲宿麥團碧浪綴草落花成錦窠  
我來欲覓種桃者

欽定四庫全書

卷一百七十五

獵獵空存庭下莎

寶氣亭

塵容不逐江流淨  
酒力都從雪壓消  
斗下只今無劍氣  
年來牛犢在人腰

和王民瞻送行詩

巖畔名已震京闕  
未信終身袖手閒  
萬卷不移顏氏樂  
一生無媿伯夷班  
致君自許唐虞上  
待我誰能季孟間  
宗社年來欠元老  
蒼生拭目看來還

攜具賞石渠醑醑用坡韻呈同舍

醑醑獨殿春得路未為晚露葉張翠繖月蕊明玉憶洗  
粧雨亦妍暗麝風更遠唐時真宰相勁氣凌諫苑危言  
工切劇壁立萬仞噉帝為釀此花以賞碩畫婉清芬濯  
千古天河豈須挽不妨便醉死聞香定魂返

王司業龜齡口占絕句奇甚用韻和呈效吳體

南山舊說王隱者北斗今看韓退之不須覓句花照眼  
行見調羹酸著枝

欽定四庫全書

兩宋名賢小集卷一百七十七

兩宋名賢小集卷一百七十七



欽定四庫全書

兩宋名賢小集卷一百七十八

宋 陳思 編

元 陳世隆 補

艮齋詩集

謝諤字昌國臨江軍人紹興末尉樂安去奸蠹施德  
政凡有益於民者言於令行之縣多盜條二十策於  
漕司大要使其相糾而以信賞隨之盜果解諤博學

工文詞有名當世號良齋有良齋文集

清常寺

佛廬塵不到客枕夢頻驚  
浙浙山風響纖纖隙月明  
烟雲春漸暖鐘磬曉逾清  
蹤跡奔馳裏飄浮媿此生

龍回院

堂殿塵埃外軒櫺紫翠中  
凭欄千嶂雨歌枕半窗風  
得意何妨僻尋幽宜易窮  
分張閒草木一一見春工

玉山觀

微明燈火夜堂幽  
聽徹絲桐萬慮休  
骨冷魂清眠不得  
竹風蕭瑟滿庭秋

黿溪

數版小橋橫晚晴  
兩行古木弄春榮  
不知多少夜來雨  
水到岸頭渾欲平

藹藹煙雲望眼昏  
亂紅翻迳綠遮門  
一聲啼鳥在何處  
山外人家桑柘村

追和邵祭酒東呂太學

欽定四庫全書

艱難方見救時在一介儒生為國哀六豕奸雄千古恨  
二龍奔馭幾時迴道州自分填溝壑天詔何須責草萊  
我識先生心似鐵宸章莫更苦相催

復朱晦菴

笑指長沙擅閫來向吾鄉假途一段忙中說話無非孔  
孟工夫

兩宋名賢小集卷一百七十八

欽定四庫全書

兩宋名賢小集卷一百七十九

宋 陳思 編

元 陳世隆 補

香山詩集

喻良能字叔奇義烏人與兄良倚同入太學同年登  
進士第初補廣德府三獲強盜應賞格辭不受累遷  
國子監主簿進忠義傳起戰國王蠲終五代孫晟通

一百九十人書凡二十卷乞頒之武學授之將帥孝  
宗嘉歎顧謂侍臣曰喻良能質實平正御書其名於  
屏間丁內艱服除以國子博士召兼工部郎官除太  
常丞兼舊職請外知處州尋奉祠歸以朝請大夫義  
烏縣開國男食邑三百戶致仕營家圃曰磬湖日以  
觴咏自娛終焉鄉人慕之立石表其地曰郎官里所  
著有諸經講義香山集家帚編忠義傳兄良倚字伯  
壽卒官臨海丞有惠政所著唐論四卷詩文十卷策

斷二卷文選補一卷

悲夏畦

悲夏畦南畝苗未長東臯草已齊旋令嫗婦辦餉饁獨  
引丁男耘耨稊悲夏畦炎天炙背如蒸雞渴來不得飲  
清溪寧知水榭水山裏猶自頻嫌日未西

媿陶

淵明在彭澤到罷八十日雖營三徑資未獲公田秫珍  
重千金腰不為督郵折拂衣賦歸來何異自投劾我生

欽定四庫全書

卷一百七十九

本樗散山林允蟠螫雖非淵明儔頗亦慕幽逸偶然得  
一第遂竊升斗秩未書藍田考已捧錦溪檄荒縣饒逋  
負催科費鞭扶強顏簿領間忽復彌數月心焉愧淵明  
俛首三歎息番江何時還哦松聊自適

秋曉野步

幽居邇郊原出戶日已曛閒攜一枝竹散步及秋曉寒  
烟引輕素澹澹縈木杪矯首矚層穹轉盼失飛鳥野潦  
淨荒陂驚颭泛枯篠世態徒營營此心殊了了佳處誰



與論聊用付清醪

題東林寺

江湖大蘭若廬阜一東林  
砌繞琮琤水門羅翠碧岑煙  
雲千古色松檜四時陰  
岸噴銷塵慮凭闌淨客心  
殿成神運力泉出虎跑音  
溪在思元亮堂荒憶醉吟  
圖傳三笑粲閣擁五杉森  
貝葉應難訪經臺已莫尋  
僧眾何代朽佛影幾時沉  
晉輦黃埃久殷碑蒼蘚深  
不妨閒弔古誰復為沾襟  
香火惟蓮社傳流直到今

書大洞僧壁

招提閤林麓魚鼓白雲邊地僻疑無路山深別有天幽  
花充佛供好鳥伴僧禪何日征鞍暇還來借榻眠

三月二十四日再到永裕陵

扁舟投曉出重城春浪初肥綠滿汀竹裏幾聲泥滑滑  
河邊千里草青青人家艾葉驚飛燕水面楊花入翠萍  
漸近昭陵佳氣集五雲松栢喜重經

沿檝舟行五雲門

畫舫朱簾曉出關，便風飛過幾重灣。  
路經僧舍漁村畔，身在煙霏霧靄間。  
驚浪沸晴輸遠浦，亂雲施粉露崇山。  
偶因王事從心賞，詩句匆匆不暇刪。

遊下巘過松峭祠旁偃松因賦長句

誰將秋色替雲峰，萬里炎歊一洗空。  
細雨復青池上草，西風頓白鬢邊蓬。  
聊同吾輩一作靈二三子，來訪山中十

八公。更待夜深乘月到，要看香霧共冥濛。

次韻伯壽兄見寄

伯壽即名良倚

江國疎梅吐玉英故園想見木欣榮二年鴻鴈碧雲濶  
千里江湖春水生苒苒池塘應入夢瀟瀟風雨若為情  
行看戲綵青萱發準擬芳樽相對傾

輦下言懷

馬蹄重踏帝京塵七載江湖飽問津白髮有人疑甲子  
清齋無日不庚申不才詎敢誣明主厚祿那能羨故人  
乞得泮宮閩粵去未妨閒處著吾身

題淵明祠堂

宅邊雖有五柳樹歸去已荒三徑園平生胸中羞五斗  
偶爾城市羨華軒盈樽濁酒自可漉得趣古琴那用絃  
欲知耿耿忠憤意甲子斷自永初年

題歸宗寺

寺因逸少曾為宅峰自秦王已得名不獨山南稱寂古  
故應江左號尤清路趨絳闕山梁嶮奩隱金輪石鏡明  
誰信塵埃倦遊客秋風還許杖藜行

題開先寺二首

少年魂夢到廬山今日身游鬢已斑  
聊復揮毫吟紫翠未妨拄頰對孱顏  
遙看飛瀑三千丈近去青天咫尺間  
不為白雲頻屬意應留此地不知還

壯觀端宜冠九州未應萬壑敢爭流  
盡將銀漢為懸瀑一洗紅塵變凜秋  
白雨廉纖飛迴野玉龍夭矯下靈湫  
廬山處處雖奇絕不到開先未是游

鵞湖寺二首

石鉛山縣舊名仁壽  
院以鵞湖山律今名

長松夾道搖蒼煙十里絕似靈隱前  
不見素鵞青嶂裏

空餘碧水白雲邊  
氛埃乍脫三千界  
瀟灑疑通十九泉  
五月人間正炎熱  
清涼一覺北窗眠

水鳥飛來一問津  
壁宮珠塔便橫塵

疑是陳

開基古佛留

遺像直日奇峰列  
衆賓芋火攤殘知  
永夜霜鐘遞起響  
初晨川途渺渺驅  
塵駕回首林泉媿  
野人

題齊山翠微亭

山深雲氣多撥雲  
尋徑入但覺襟袖  
寒不知濃翠濕

亦好園四詠

亦好亭

亦好茅亭小，登臨意緒長。  
清流依檻曲，明月逐簷方。

磬湖

未用他山錯，寧須泗水浮。  
衝風時激浪，清韻亂鳴球。

釣磯

不為貪鱸鯉，還應愛碧流。  
風來花落餌，雲破月沉鉤。

菊徑

小徑三秋好，西風百本黃。  
但令頻泛酒，日日是重陽。



秋日有懷仲文季直二弟

微雲初月澹層城  
絡緯聲連促織清  
北鴈不來千里信  
西風還起故園情

兩宋名賢小集卷一百七十九

欽定四庫全書

兩宋名賢小集卷一百八十

宋 陳思 編

元 陳世隆 補

葆真居士集

折彥質字仲古雲中人父可適知鎮戎軍有武略夏人畏之彥質以蔭起家紹興中累官至僉書樞密院事初趙鼎為相屢薦彥質後秦檜專相以彥質為鼎

所引郴州安置自號葆真居士

過太平州拜李端叔遺像

東來已數月弛擔已渺茫猶喜菑患身獲登先生堂肅  
衣拜遺像依然雙頰光宛若侍坐側妙語發天藏厄窮  
出天意人理難度量所幸言不朽與世為文章齋此復  
何恨私淑良不忘小郎出見我問知雛鳳凰他年起門  
戶塵滓濯秋陽世事幾變滅人生真黃梁置之不足道  
感慨涕洟滂我行方有程墳山空相望

觀汪丞相所藏崔白畫羅漢

山堂漠漠開曉烟何許大士當四筵坐忘默識形骸外  
持鉢植杖風露前老龍欲奮屨回首於菟甚馴非畏鞭  
小兒已解辨人我抱頭怖走成癡顛豈知畏愛果何物  
手裏舍利空燭天嗟余耳目更淺陋喜歡獲遇希有緣  
神明泰定始一笑摩挲粉墨心茫然平生崔白畫常見  
邂逅入眼多棄捐莫言人物斗奇崛醉裏落筆神助焉  
汪公昔入魏帥幕嘆息鉅壁圍神仙歸尋十疋好東絹

恰有名手能摹傳提攜萬里到嶺表尤物自得高人憐  
邇來劫火壞諸有陪都正苦紛戈鋌無力挽河為吹洗  
披圖感極淚如泉

湘山留別

寓久渾忘客臨行似別家途窮身更怯秋老鬢先華生  
計黃茅合歸期碧海賒湘山今夜雨留我意無涯

跋浯溪造極圖

浯溪未到已登臨筆力能窮造化心我是零陵新逐客

披圖一一可追尋

跋湘西清絕圖

與山分淺正傷神  
蠟屐明朝陌上塵  
誰寫湘西清絕景  
巧移林壑慰行人

超然亭

超然亭上鬢毛斑  
浩蕩秋風小立閒  
豈為詩情堪過海  
只緣脚力要尋山  
峭峰斷續天容缺  
高壘縈紆地勢慳  
回首不堪東北望  
桂林萬里是秦關

濯纓亭

澄練正紫檻高屏近擁門偏宜雲慘澹更好月黃昏

兩宋名賢小集卷一百八十



欽定四庫全書

兩宋名賢小集卷一百八十一

宋 陳思 編

元 陳世隆 補

網山集一

林亦之字學可福清人自號網山山人月魚氏從學  
艾軒林光朝之門初艾軒講學于蒲之紅泉學者常  
數百人稱高弟必曰網山艾軒卒網山繼其席從遊

之衆無異艾軒也淳熙十二年卒有月魚集三卷肅  
翁林希逸為序

古詩

奉題林稚春

辛

菊花枕子歌

故人所說菊花枕似把冰九月下飲秋水一雙明炯炯  
數在青囊第一品狂風江上吹蒹葭此物往往得之嵇  
康阮籍家閉門讀書二十年眼睛損盡生空花建陽小  
作箸頭書殘更燈火亂蟲魚石渠文字大如斗場屋歲

月又不偶却來南山青草邊東西四至盡為菊花田手  
提長筐向山曲一下收拾三百斛昨者昏寐才起來解  
把簷頭小字讀乃知妙物通羣一作神仙一切藥裏應棄  
損

奉酬稚春梅花行

稚春云早梅花一枝大不凡新  
詩見餉却不曾寄花來因道此

意以奉  
酬耳

草堂梅花千萬枝新詩品題何太奇可憐一枝非凡羣  
賞心何人空自珍請與君談別花人如或見之當俯身

西河一帶何蒼茫  
涓涓數枝臨水旁  
上有幽人眉骨橫  
終日對花情意生  
花如秋月照芭蕉  
人似春風吹野苗  
人與花枝自與親  
一篇至人吟如新  
胸中若有一點塵  
縱對此花無精神  
平生不識市沽兒  
四更誦書長苦饑  
摩挲此腹遠疎籬  
笑折花枝花自知

戲題稚春杜少陵詩集

十年蕭蕭去武林  
橐中唯有謫仙吟  
君今失意還山窟  
少陵詩集如明月  
自怪平生每相似  
窮愁嗜好亦如許

飯潁山頭舊相逢安得娟娟同處所故人語我明年冬  
或騎大馬長安中或倚書樓頭如蓬即見雙劍終然同  
我聞此語謹且劇視若狀貌如其筆兩目津津可終適  
此物應藏月魚室月魚文字非時好已問菟裘吾將老  
綠烟亭下黃花時兩手抱取歸柴扉

和李鹽倉

諤

欲遊龍卧山以海風大作不果往

枉蒙龍卧篇如睹藤蘿境十年招隱士欲到此山頂坐  
石誦離騷掬水弄清影無人同荷鋤長媿林下景昨者

逢李侯一笑驩驩領為言有明月公事且暫屏騎驢學  
賈島捫蝨喚王猛雙鑣雲外來斜帽不須整夜投招提  
宿聽雨寒更永論文到昌黎說詩笑匡鼎悶人數日風  
何時發深省

丁亥九月十六夜偕李鹽倉宿龍臥山中聽雨看  
月同時事也所謂魚與熊掌兼得之賦詩一篇以  
紀其事

相喚此山來狂風吹我衣把酒桂花下山雲片段飛掩

門雨初滴開門月還上倚樹看明月半山聞雨响人間  
有佳景詩句頗發越何曾似今夕聽雨還看月

九月晦日登烽火山

興來走上烽火山著足不定秋風寒四邊黃茅滑如雨  
低頭一看毛髮豎幾年要到紫菜鄉大練小練并東牆  
如今一時在眼旁白雲浮水天茫茫酒闌更欲弔虎屋  
無端日脚相催促一奴魑髻一跛足逐我下山如野鹿  
見獨斯行叔綺子為赴春試一出江頭送別殊令

感懷聊為巴閬行一首以道此意云爾

巴閬獨還歲月深相送出門自沉吟十年交舊總如許  
狂歌一曲傷人心今人讀書如過客壺飡只向市頭索  
吾曹苦志腸幾穿安得相逢不索莫念我生平美典墳  
六月北窗長閉門雕肝篆肺得一句旁人袖手評其文  
思量至此復一笑如何躍馬追年少我今聞說有場屋  
兩耳如聾怕聽得網山山下月魚亭就船買魚活煮羹  
何時挾冊此來歸議論不到吾縱橫故人年紀今猶未



正好款門問知己時命相遭不用多或在半言并片紙  
老人校書紫雲樓相見或問吾因由為言索處海水頭  
蓬萊方丈不可到此心日夕徒生憂

秋夜同章三十九弟次邠宿延慶山中紀遊一首  
芭蕉月上照窗扉屋裏老僧眠不知起來樹根飲一盞  
舉頭忽是三更時藤蘿一處一處好我亦持杯隨處坐  
山雞忽叫野鐘鳴滿地西風愁殺我

古意

深夜步秋檐明月照石堦所憶不可見歡愛徒興懷我  
欲掛天帆長江風浪摧我欲跨綠耳蒼林烟雨回只有  
坐長想佳人安在哉何時覲來袂雙目炯炯開

邑大夫范丈處義寵示廣陵餘事泠然誦之歷歷  
慘惻如在目中輒賦短篇紀所聞也

嘗閱淮南圖蕭蕭草屋少人居及讀廣陵集惻惻我心  
欲垂泣吁嗟戀鄉國生死不肯去邊笳纔一動殺戮先  
此土可憐此土人父子無白頭不死於飢即死戰性命

只在道旁溝更開維揚有鬼市銅錢須更變為紙都緣  
白日殺人多所以冤魂有如是君俠壯志凌雲空青衫  
匹馬戎幕中當時轅門眼所見長歌短歌淚如綫少陵  
嶮崎夔峽路一切悲愁託詩句至今太史不足憑惟有  
此詩為可據紹興辛巳淮楚功紛紛予奪或異同他年  
石渠訪遺事為說東陽有蔚宗

范宰登瑞峯塔續蒙寵寄古篇輒次來韻

平明眺遠目蒼波吐紅暎已瞻大鼇網復矚鸕鷀門宿

醒雖已解衫襟猶酒痕憑陵不可羈往往天欲捫却憶  
去年時舟役勞朝昏幼婦帶桎梏嚼飯不敢吞今年復  
此役溪山恣討論為有陶元亮心胸如阜坤

范宰見寄遊草堂誰謂漁鹽市之什輒同賦一篇  
不用元白唱酬之法

誰謂漁鹽市乃枉大夫軒既登雲霞觀更尋薜蘿村松  
枝何夾道萱草況當門借問阿誰家此為故人園倚竹  
坐半日論詩到初更愧無捫虱姿敢辱輟鸞言勞勞青

衫客莽莽紅塵奔所至有山水何曾解討論君侯食肉  
相杞菊為心魂一縣固多事終朝如山樊行旌遇佳勝  
呼賓羅芳尊有此幽寂趣從容以剗繁

范宰同鄭簿

公敏

應尉

振

送戰船至海上招野人

同遊賦得可月湖一篇奉呈

可月湖邊送戰舸長嘯便欲凌清波好風吹帆如去馬  
鼠曹若可雙手把青天無雲水初漲一山兩山浮水上  
平生膽意少羈束叩舷長歌心益壯生平誦讀口啾啾

何似一日觀滄流  
龐眉太史足重繭  
盡驅百怪歸筆頭  
羣公楚楚皆人物  
我亦自忘布衣拙  
詎諧莫續濟川君  
可無一詩配明年一作月

丈人行答通平林簿

丈人乃泉州人嘗客紅泉與艾軒論及樂律網山不知其

姓名但稱丈人尊之也其後乃子又寄書于林宜李石笋之喻美之也

祖龍一出羣儒怒  
滔滔稷下如抽縷  
樂以聲傳非文字  
千年闕斷無人補  
昔有大人壺山前  
紹興甲寅乙卯年  
定律不待參黍起  
瓦缶皆可成宮徵  
更言吹律隨隆汙

百世不以一聲拘此法漢魏周隋無紅泉得之延坐隅  
一時河漢東西奔姓氏何為旅人門我欲栩栩還皇墳  
要以六琯為根原九簫鼓吹百物和羽衣狼籍漁陽戈  
須信樂能召太平非是太平為樂歌丈人宿草飛甍甍  
乾旋坤轉誰更堪忽有尺紕如春蠶遺音石笋天之南  
三更把書不成眠四更起坐霜月懸五更開門欲上馬  
至竟此人何山下

挽章徽之妻盧氏

萬里歌萬里曲長簫悲奈何短章嘆不足少年款款嫁  
夫婿今夜屋檐何處宿萬里歌萬里曲

賀江宰

清

生朝

清秋八月月未弦河陽市上謳聲傳今年百姓杯飯足  
敢不祝公長命篇青衫白馬鳴琴初適逢吁嗟舞屨巫  
日維對案愁眉紆退食皇皇雙頰癭家雖貧困仰母慈  
村村樂業無逃逋况此一熟十年無東家西家禾滿車  
窮儒如儂四壁立亦有甌窶可讀書縣人安得此豐歲



實以善政吾非諛昨者越上人苦飢公一主簿何能為  
目穿滄海告鄰糴所視身命半縷絲長風駕浪海波黑  
舟人各各面如墨尚據胡牀取紙筆為文憤怒罵風伯  
翩翩盛名日以起四海識公從此始總謂六鼇帶歸去  
何哉雙鳬更來此陰德由來活人多龜齡鶴算定爾過  
況當竹下圍棋日繽紛百福連山河

荆楚風俗八月初四日鄉人于竹下圍碁勝者獲福也

奉酬監鎮梁丈所詠臘梅之什

臘梅好好花枝閒官亭楚楚歲事闌思量窮冬損情思  
感激芳意生容顏孤標不是如許骨野落可能禁此寒  
誰信魚鹽屈詩客三更遶樹興未殘

兩宋名賢小集卷一百八十一

欽定四庫全書

兩宋名賢小集卷一百八十二

宋 陳思 編

元 陳世隆 補

網山集二

林亦之

律詩

答稚春送瘞鶴銘

烹魚蒙尺牘瘞鶴有殘碑老去無他好朝來愜所思幽  
懷增感激妙處自傾歌喜劇還生嘆如今愛者誰

答稚春所寄詩卷

不見幾多日詩篇句句新沉吟堪膾炙塗抹更精神世  
俗難知己文章却解貧竹窗休苦思思苦轉愁人

夏循矩先生挽詞

歎息青燈下偏旁古字通讀殘五車去贏得一生窮末  
俗輕前輩何人念此翁傷心舊時宅颯颯已如空

草堂同饗呈稚春

雲錦堂前花作堆，尋幽養靜屬吾儕。  
高下黃柑樹，曲曲斜斜碧草堦。  
數點遠山如越縣，一條寒水似秦淮。  
龐公父子能留客，我亦三年忘客懷。

奉酬監倉李文金橘銀魚之什

為有風流賀季真，道齋從此往來頻。  
錦囊牙軸詩千卷，金橘銀魚酒一巡。  
見我每呼蓮社客，看君還是竹林人。  
有時夜話寒更盡，明日相逢語又新。

挽林伯謨

幽情千木外巧思百花前好事如吾子傷心嘆早年桃  
溪親意悅薤曲里人憐半夜悲笳起涼天野月懸

九月登龍卧山

缺

亥九月同李監倉宿龍卧山越三年復與二曹

叔姪海陽章尉為此遊而監倉已沒矣今茲九  
月二曹并海陽又不可見首尾凡八年有是存  
沒對酒悲慨情見乎詞

復此雲山飲吁嗟空自勞三迴看杞菊兩度難蓬蒿昨  
者惟傷李如今更憶曹海陽真俊逸一等野墳高

九月遊龍卧山留一夕明日值雨坐超上人房偶

題

野興更周遭應遲問大刀山房逢雨好人意與秋高多  
謝烹鮮乳還令厭濁醪重來須累少款款聽蕭騷

古龍曹孺人挽詞

林高  
舉母

寒原何處哭下馬欲銷魂白日數行淚黃柑十里村傳

家猶綬墨聘婦盡朱門似此何多恨空漚不要論

歲晚樓書懷

儺鼓逢逢起江邊歲又除我詩猶古木高枕尚僧居脚  
垢時忘洗頭蓬月懶梳自應塵事少非我故耽書

秋試歸訪綠烟亭

竹徑縈紆去相逢情若何江從木杪去秋向菊邊多漫  
有風濤想如今歲月過唯於交舊裏聽取碧雲歌

去當  
作見

挽郭孺人

林牧  
之母



國子先生宅相傳此母賢一哀孤燭下再拜十年前敵  
牘貪書卷飛鸞慰暮年夕陽聊寓曲終要到新阡

陳文煥秀才所宅近市憑樓一望西山宛然墮几  
按中縣之豪雋唱酬不下數十百篇野人後來承  
聽許不必似韻故為之賦一首

西山簷外見何必鹿門行近晚市聲合疎簾野意生終  
朝如此好初月更多情却愧才華鈍三年句不成

縣學東軒

莫道東軒惡朝來意欲迷平田飛白鳥高木叫黃鸝林  
闕孤峯出簷低遠樹齊雖然有佳趣那似海門西

挽丹井陳子白母二首

哀曲梧桐夜何年首肯盤敬夫前輩重好客婦人難十  
月明朝盡孤墳落日寒鹿門吹出黍此意竟長嘆

嫁娶比隣近門庭古木幽藁砧舊相好蘭玉久從遊雙

鶴來何處孤鸞不到頭通家丘嫂行愁涕白雲浮

陶侃  
母憂

常有二客來弔不哭而退化  
為雙鶴冲天而去時人異之

江上

敗絮滄江上柴門落日中論文誰與共覓句不須工壯  
思如秋葉搔頭似老翁崎嶇村浦路敢自說英雄

陪范明府與諸同官飲新亭是夕以莞爾榜之因

賦此詩

把燭新亭下迂疎

一作疎狂

聊爾歌酒緣人品勝官要野情

多燕豆客俱好漁竿人亦過誰知武城笑深自惜蹉跎

瑞峯院夜語奉酌鄭簿

百級上層巒呼銓同所歡  
薨杯真有道行李似無官  
妙語勝熊掌踈才媿鶻冠  
古人相見意不作酒肴看

江樓陪范長官宴自警一篇戲呈鄭主簿

幾回過海上此日暫躊躇  
未盡尊前酒還奔使者車  
官人無少暇賤子敢安居  
一畝芭蕉圃如今要自鋤

奉送范宰秩滿還東陽

語違今幾日猶更向層巒

一作戀  
征鞍

情自緣君子吾非送

長官衝寒去程遠惜別賦詩難  
政拙為留愛留將識者

看

挽松林林巖叟

誰學陶朱去梅花古戍旁平生疎几杖哀曲損肝腸稚  
子青衿雋東牀綠袖長四更笳鼓動月白水茫茫

翁丈柔中同姪昭文相訪留兩日既別贈以詩

委巷無過客明燈迎此翁驩欣屐齒折羞澁酒瓶空燒  
芋隨家法論詩到國風胡牀煮清棗更擬故人同

挽楊巖州母

生長大夫宅來歸御史門  
吾兒天下寶此母里人尊  
九嶺三江外孤雲片月村  
同鄉無見日他國賦招魂

網山二首

風濤生長處土地屬東隅  
樹樹懸魚網村村吹鷓鴣  
酒旗孤嶼見書卷一山無  
欲起雞豚社深慚身業儒

屋舍高低住比隣活計同

一作衣裳  
結束同

苓箸嫌月白螃蜞

要霜紅吠犬隨村落賣魚成  
老翁地鹹耕種少海熟抵

年豐

前此和李詹詩序原欲于網山下結茅為屋空乏  
之人徒然有此念耳新詩餉我便催促為此行且

以網川鹿門為同日事令人轉有終焉之想今欲且畫  
網山圖掛于西壁下篇詩斗酒日遊其間此便可以呼  
網山處士也買山一  
件徐問之未晚耳

宜人姚氏挽詞

余倅之母

別駕歸來日連年哭九原白頭如此母丹旌只諸孫燈  
火檳榔市簫笳梅子村比隣慙鵝鴨還阻弔幽魂

續夢中所見兩句

長劍歌明月吳門一夜過紅樓何處是為說馬蘭坡

辛卯歲應舉過西峽渡

白鹿山頭雲欲頽，峽門灘下水如雷。  
錦囊破裂元無用，席帽欹崎還更來。  
我自未能逃世俗，人誰便解脫塵埃。  
扁舟且趁牛羊渡，莫問如今第幾回。

寄精巖谷堂

惟頤

老宿二十年，欲訪谷堂觀筆法。

因循去未得，偶逢水西客。沉吟久之，因寄此詩。

隔浦娟娟古佛廬，幾迴欲去更踟躕。  
敢誇柳氏元和脚，要問隋僧智果書。  
見說交情多雋達，每慚識面尚生疎。  
山頭紅葉知無限，可許閒人暫寓居。



挽林義夫母

孟母何曾憾生前錦軸橫東征鳳毛好西府玉昆榮貝  
葉忘言處金牀寫水聲十年堂上客一曲是悲鳴

寄范都廂

南去封題久不聞北來數數聽寒暄  
鑣太守三千首擊柝長安十二門  
飛觀凌空天子國輕帆半日女兒村

淵明好趣紫桑近官職高卑

一作低

未要論

西都賦曰立十二之通門

奉陪嚴陵史君楊校書

興宗

囊山夜話一別數月

欲乍見不可得因寄此詩

庚子十月作

鄉塵一語竟何曾却向他州逢李膺白馬千山緣雙相

先生之喪史君來弔往返數十程故有此句

朱旛四海有嚴陵鵝湖猶記通

宵雨虎石還同半夜燈素髮相看才兩度不知再見幾

時能

楊校書云要得一書藏石室為緣新說自金陵

挽方士登女

傷心來赴日各各為一

一作淚

沾衣慈母夜長訣郎君客未

歸短山長笛慘青草素旗飛料得楚人些連篇說斷機

清遠尉林昭遠

孔章

挽詞

一宦辭南海蕭然百念枯  
里閭稱長者門巷似窮儒  
死日分明去生年爾汝無  
傷心哀鼓動寒月野園孤

秋試後再寄林井伯

方國三年一合圍  
園門屢戰定高飛  
人如我友無青眼  
天豈斯文厭紫微  
苦縣老聃終遁去  
敬亭小謝未須歸  
丈夫謀宦非身計  
荔子山前有綵衣

送井伯赴上庠

欽定四庫全書

蘇軾詩集卷一百八十二

八

紫微巷口送征鞍白社村前豆葉丹一賦雕蟲如桂水

井伯曾作  
桂林賦

千山羸馬上長安短檠已自甘投老健筆胡

為未得官鳳閣起家緣六館州人更欲祝東巖

井伯自  
號東巖

子

得舍弟行可

云之

鹽官病後書

荷花開盡蓼花紅遊子今年秋又窮千里病眠鴻雁影  
一書愁殺月魚翁天寒好處予煨芋日落何山汝轉蓬  
名利不成作歸計先生已老海門東

舍弟客臨平

憑誰為問鵲鴿原燈火三更隕淚痕天遠未知萍梗迹  
書來說在藕花村年華似汝寧為未場屋如吾已懶言

璧水

井伯時為國子生

故人今北去短長門戶好同論

吳僧道潛詩云

風蒲獵獵弄輕柔欲立蜻蜓不自由五月臨平山下路  
藕花無數滿汀洲故詩人以名其地如柳惲云汀洲生  
白蘋日暮江南春  
後人因號白蘋洲

借冊井伯

吉貝城邊寄此身

一作冬復春

故鄉歸少異鄉親蜀無僂石

欽定四庫全書

兩宋名賢小集  
卷一百八十二

十

雄何苦浴有書船孟不貧綠水孤村何處客白頭雙闕

老門人令狐冒雪成圖畫還

一作可

許渠儂續

一作接

後塵

迎仙致政王修職

衛

挽詞

晦德香泉下秋風知

一作今

幾回襟懷如阮達門闕自唐

來立馬曾交語寒蛩重一哀生前雙錦軸亦足慰蒼苔

挽王司業

定

未作鵬飛萬里程一時英俊已錚錚只應傲雪凌雲氣  
合得驚天動地名明月酒杯如李白暮年官職似陽城

秋風癸亥古祠下多少行人淚眼盈

韓退之癸亥年守潮本朝陳文忠亮

佐及黃魁並以是年出守故此郡有三癸亥祠

### 憶浮家洞

萬竹蒼蒼鳥鳥啼一江渺渺薜蘿西  
幽懷動處蘭初長  
好句來時月已低  
年歲却從為客盡  
家書長是倩人題  
踈鐘日落孤村立  
秋燕梁空歸思迷

### 寄表弟章由之為理曲堆屋廬

苦來為客竟何為  
宅舍荒村誰與治  
別墅雖無輞川畫

欽定四庫全書

兩宋名賢小集  
卷一百八十二

十二

生涯堪入杜陵詩身如燕子年年去家似漁舟處處移  
丹井西頭曲堆下更煩歲晚定踈籬

送林子方秘書

析

赴廣東提舉

乘輶嶺上丈人回奉使天南學士來萬里家聲蠻子洞  
一門旌節越王臺驛辭懶口初逢菊界入潮州定折梅  
莫怪襄陽負韓約芸香又好賜環催

次韻奉酬致仕通直吳七丈上元所寄之什

空齋自合冷如灰何物龍鍾似不才日日讀書無處用



年年作客幾時迴  
君為諧老先生行  
我在當初最後來  
可忍殘春對耆老  
不攜斗酒去相陪

挽戴少美

晦之父  
黃石人

一聲哀管水邊聞  
忽憶秋風留月軒  
洛下書生來問字  
襄陽耆舊亦過門  
游梁無限通宵話  
訪戴如今何處村  
縱使鸞封到幽壠  
白雲荒草不堪論

次韻致政吳丈

悅之

和林縣丞

褒

丹桂非時之什

青山湖上宅  
丹桂月邊枝  
菊蘂元同日  
桐花却並時  
籠

鵝翁不俗蠟鳳子多奇須信三秋好先從數月期藍田  
一廳壁黃卷五男兒問禮當年事芹宮未頌僖

次韻奉酬林仲雨

年去又來三月強詩成未了寸心狂已無精力能穿鵠  
尚有頭顱可牧羊老栢縱教逢歲晚幽蘭本不為人香

東膠待補猶堪戰莫道今無識繞梁

仲雨次韻云萬事不成嘆畫虎一官

那得似  
驅羊

挽陳伯順夫婦

晴春相

一作一

見未多時忽嘆霜蕪雪屋非僵瑟樓前方

悼往吹簫臺下竟同歸讀書歷歷向秋樹織錦悠悠空

曉機須信人間伉儷重

缺

死日不相違

謝林守

元仲

架父軒先生祠堂

雙闕已嗟秋草邊兩楹誰作麥堆前幸奉皂蓋行春日  
如見紅泉講道年工部先生天下士莆陽太守大夫賢

斯文直待斯文出千載名聲與共

再用前韻和林守

清詠重重畫戟邊  
芳題短短竹籬前  
政如美稷西河日  
詩到黃初正始年  
滕國已歌慈父愛  
韓門更感使君賢  
銅魚好句關風教  
巴嶺賡酬只浪傳

挽陳仲罕母

橘林霜後欲寒天

一作黃柑時  
候欲寒天

多記陶家作客年  
碧水

青山如昨日  
白雲紅旆是新阡  
鵲鴝七子母思重  
寡鵲

孤巢婦德賢  
最苦哀簫老松下

巢寡鷗娛

優乎其下

奉寄雲安安撫寶文少卿林黃中

栗

泥封款款下青冥却許麾幢換使輶  
夔子城頭開幕府  
杜陵詩卷作圖經  
十年去國未還國  
萬里長亭更短亭  
可信明時好人物  
亂猿啼處是州廳

滕王閣懷古奉呈撫州別駕魚簡戶曹

城連帝子閣西頭  
水遶南昌故郡流  
山短天長鷗鷺小  
夜深雲淨月星浮  
澹臺墓暗竹根古  
孺子亭荒荷葉秋

漠漠滄江無了日哦詩莫苦替人愁

江西試罷還故里八月二十九日過飛猿嶺連日

遇雨

萬里崎嶇愁不禁飛猿更聽雨淋淋  
將暑藥涼無用未著秋衣寒已深  
刻鵠雕蟲成底事牧羊餒鴨負初心  
還家漸近病漸好得句自題時自吟

挽稚春母鄭氏

他誰天外哭聲長有客歸程何太忙  
同爨情親如五服

升堂義重比諸郎昔人澆薤蒸梨事即我浮家泛宅旁  
嘆息白頭陶母意中秋三日轉淒涼

秋試罷重九過滄峽

野濶村歸如暮鴉路沿溪曲似春蛇不諳水土愁多病

一作屢眠野館愁為客

忽聽鄉談喜近家一帶青山將屋繞數行

一作莖

綠竹倚門斜年年逆旅逢重九今歲須看籬下花

同安撫趙子直

汝愚

祖帳寒梅白未空已看新葉綠重重  
八州鉞斧送行客十里旌旗遶暮峯  
北斗獨高韓吏部南州爭慕郭林宗  
一時賓主俱豪傑敢道招要到野農

武夷長想蕙蘭蹤螺渚幸修桑梓恭  
詩造本情天下誦學傳正統世儒宗  
三山過客日無數四海聞人此一逢  
官燭行行送歸路半村無月海雲重

挽蔡以之母

鄰母悲秋長短聲客窗聞此夢魂驚  
新鄉誰共雞豚社



先世由來香火情  
薤曲縱教如宋玉  
里喪終是魏陳平  
傷心起望秋雲亂  
愁斷千山幾日程

別莆陽史君林宗丞二首

下筆翩翩如史君  
年過五十始朱輪  
蜀山久託無家客  
滕國曾為負耒人

先任  
福倅

脫印忽聞過我里  
攀轅尤更甚

州民乍晴乍雨黃梅道  
好聽泥封下紫宸

扶羸十日候行期  
瓜葉初生荷滿池  
別袖難禁須進酒  
離情未足更題詩  
飛鸞渡口還家後  
老鼠梯前到闕時

士論民謠如皎日甘泉直上豈容遲

別林黃中帥湖南

清秋緩轡馬如雲論定忠邪白黑分湘水傳呼新刺史  
霸陵改觀舊將軍平生孤節人難到自此一番名愈聞  
定有詔書催入覲不勞下擔楚江濱

代上陳給事峴二首

謝安舊宅翠雲環復見新牆月樣彎市近豈容三島客  
樓居須向九仙山去天尚鬱金門步計日催歸玉笋班

好與衣冠添盛事一門三府照人寰

雲錦軒楹蘭玉堦暫從仙仗下蓬萊良辰歌館聲聲起  
明月粧樓夜夜開天上李藩批敕手蜀中嚴武總戎才

曾知成都

可教問舍悠然去即下紅泥促召回

暫還網山井伯以詩送別次韻

暫著芒鞋歸故丘新詩吟罷恍如秋麥堆去後惟君勝  
荔子紅時送客愁好句合教吾北面生平長恨海東頭  
如今別袂應須惜一日能留便少留

兩宋名賢小集卷一百八十二

欽定四庫全書

兩宋名賢小集卷一百八十三

宋 陳思 編

元 陳世隆 補

網山集三

林亦之

絕句

春晚招石門陳居士森游麥斜巖破新茶因讀南

華齊物論二首

叫破殘花深處眠  
麥斜巖下畢逋前  
須臾汲井開茶供  
讀盡南華齊物篇

好好輕衫清晝便  
短鋤欲乞此來田  
只應荷蕢無青髮  
且漫春風二十年

續夢中所見兩句

長劍歌明月吳門  
一夜過紅樓何處  
是為說馬蘭坡

記九月二十五夜夢中作

藥園幽人徑桃源處士居歲時雖屢改蹤跡尚如初

艾軒先生侍郎挽詞四首

典刑還似魯人初四海衣冠歸坐隅涕落寒蕪嗟不見  
月明蟬井白雲孤

菖蒲對客尚從容明日紅泉夢已空縱是千年有豪傑  
六經人物在斯翁

繡衣曾出黃梅嶺金印還游紅藥堦勲業至今人道說  
幽懷長是在空齋

黃柑時候曲堆村長憶籃輿到華門恰是今年去年日  
野螢衰草弔黃昏

延慶寫真贊二首

住山頭欲白何爾太揶揄却厭舊時面丹青別換模  
秋雨秋山夜縱縱自橫橫平生無罪過不合去為僧

范公彌誕之辰輒述閭巷語為邑大夫壽且俟採  
詩者

錦樓壽曲未須吹且聽江邊老婦詞但願年年好官長



一如官長在官時

同范長官鄭主簿送戰船奉酬應尉

相送長江風浪輕尉仙真自好心情四更明月宿何處  
魚骨山前第一程

挽青龍陳公

次膺

四首

明月青燈合浦村北人惟此讀書園竇家風義人牢落  
多少衡門欲斷魂

誰解題封忠敬堂長安白髮紫微郎斯名似不緣渠作

却最關渠淚數行

胡為春渚夢初回却是行舟恰到來數盡長亭過闕嶺  
夕陽愁殺落花臺

欲哭芻靈何日時長江望斷涕沾衣夜香樓下如重到

鶴叫三更人已非

君嘗以合浦書堂謁名于艾軒老人  
老人目之為忠敬堂蓋取武城之人

其待先生如此忠敬也斯名不緣我而生實以丈人  
視此事為無媿色夜香樓落花臺謂君之東園也

挽鮑待用

明之父

四首

一經教子已青裾況又行年七十餘恰好遭逢身却死

北風門外只長噓

去年一笑荔枝園今歲重來是墓門縱有青青舊時樹  
已看斜日照黃昏

寒村夜雨斷人煙却有累累哭野田一飯誰能弔衰草  
似君此事至今傳

讀盡東牀一卷書不妨蹤跡向來疎劍津紅帳為門戶  
想得多多送葬車

光澤朱君

諱廢字師言  
或字少裴

挽詞四首

諸老蕭蕭似卷塵不堪再見素旌新  
白頭縣尉笭簪浦  
夜雨寒窗是舊人

長記前回過我廬艱難步履喚兒扶  
莫將馬箠敲門去  
寒水無人野渡孤

為官長者得聲名唯諾公堂如父兄  
欲作汝南耆舊傳  
不須多語盡平生

迺翁飛旆過前村一婦隨車一在門  
何處人家有三柩  
觸牖山下合消魂

題長樂縣靈峯寺望日亭

庚子十月十六日作

雲母江邊有草亭  
分明見得日頭生  
一村籬落更何處  
此已無天只水聲

題巖子陵釣臺

莫向金門傲冕旒  
歸來却要著羊裘  
乾坤不是劉文叔  
那得長竿釣白頭

林井伯母生日口占

由來此母如吾母  
再拜一庖復一庖  
最好年年作生日

欽定四庫全書

蘇東坡詩集  
卷一百八十三

碧蘭黃菊與同時

挽趙路分

丞相汝  
愚之父

三首

二月餘干花草春  
天遙莫問謫仙墳  
長簫不要吹哀些  
愁殺江東日暮雲

苦學聲名聞縉紳  
傳家況復有麒麟  
漢廷玉牒先多士  
數盡慈恩只一人

每誇愛子對人言  
東觀同游有艾軒  
我向築場聞此語  
斂襟西望轉銷魂

挽林校尉紹老三首

落日平田何處村竹塙繚繞是高門  
莫言雞黍未相識一聽悲歌自斷魂

白浪漫天眼自驚吳兒一見欲飛鳴  
何人為述膠西事十萬樓船有姓名

華屋共言清淨想長途還作去來緣  
念君陰德有如此何事春風却短年

挽林少朋三首

海陽四十第屢約為海棠之集斯人不可見而公亦云亡因賦此詩

欽定四庫全書

兩月夕陽小集  
卷一百八十三

不覺潛然  
而悼之

年年二月看花時  
野笛小園長短吹  
誰道今年看花日  
鞦韆門外鼓聲悲

聞說當年歌鹿鳴  
黃花八月牡丹生  
何人為續夷堅志  
好向橋東問姓名

幾回欲去醉花旁  
此事如今轉渺茫  
不獨哦詩弔金谷  
更令掩袂憶劉郎

淑人生日口占



方朔曾為老侍郎麻姑來降紫雲香壽杯今日逢長至  
欸欸長年此日長

挽余倅父子鳳二首

廬陵別駕有慈闈到處官亭見彩衣總為青山能送老  
不知黃壤却同歸

誰唱雙棺薤曲悲前聲未斷後聲隨人間父子情何恨  
可忍長蕭逐個吹

挽盧氏母二首

為語歌鈴過野田不須淚眼更懸懸人間催促如風葉  
誰是平頭八十年

小徑幽幽竹遶門閨樓終日總無言若教誦得維摩句  
應媿平生費討論

哭故人曹十九秘校叔明海陽四十弟自潮州送  
歸樞未有哭詩故人于海陽為甥舅也沉吟感泣  
因併以弔之二首

海陽天外已傷懷

海陽章聞之

白水墻頭轉自哀却是人生

難得好兩年只見哭聲來

泪眼才乾更哭君殘陽破寺起愁雲故人海上能多少  
已見江南有兩墳

重陽次日登城山

城山飲罷冷侵衣潮上重來月滿卮未愛疎籬黃菊日  
最憐秋水白雲時

挽小練林承事

文炳父

二首

燕歌纔唱已堪嗟莫道生平隔天涯曾向網山圖上見

蛇門東去是君家

生前莫問劉郎浦  
死後還看孟母鄰  
遙想芻靈穿海出  
浪頭如屋自愁人

挽曹不占二首

年年除暮即相呼  
夜語如君不可無  
為報歲寒同社客  
今年不要作柴爐

有時街上斷人行  
猶見敲門訪子雲  
一種傷心向誰語  
夜闌燈火只思君

挽鄭氏母二首

片片花飛上已村誰將雙淚哭寒原  
明朝況是初三日  
好把流杯為續魂

畫樓最好綠波前萱草還看白髮仙  
更說列卿太常老  
吁嗟一曲與人傳

重過紅泉

憶昔嘈嘈來拜經秋燈秋雨苦吟聲  
如今秋雨秋燈夜  
大半當年猶未生

挽曹廷輔二首

里巷相聞長者聲，春風更有女蘿情。  
殷勤為作愁腸曲，白日西頽月又生。

綠水白鷗三月天，哀簫長短使人憐。  
草鞋踏雨同歸去，此事如今十五年。

挽盧助教質扶二首

山中香火今誰在，那聽殘春薤曲新。  
第一傷心惟此老，父時諸客已無人。

毗耶鈇軸五千卷淨几焚香心自閒蠟燭燒殘春夢斷  
逢逢哀鼓弔空山

秋日題

漠漠騷騷如卷砂當門枯木見巢鴉秋林最怕風吹盡  
一直愁心無樹遮

方提舉公美挽詞

馬上姿容向朔風吁嗟不見夕陽紅  
長江自小為鄰舍  
昨日歸來無此翁

挽路橫林少臯

十年騎馬畫橋歸長記朱樓傍水湄今日悲吟想君屋  
一如騎馬十年時

九日下水口

黃花時候苦思鄉急水還家一日強莫道南風打頭上  
客船搖櫓作重陽

挽鄭唐仲


三閭未死已招魂却是狂夫不要論誰肯將身緣問道



十年臥病菊花村

草堂老人和仲平頭七十宴客綠烟亭輒賦口號  
一章以為草堂之壽

今年七十多青紫莫把仙翁一例看再拜尊前為翁舞  
草堂最好是無官



兩宋名賢小集卷一百八十三

欽定四庫全書

集部

兩宋名賢小集卷一百八十四至七

詳校官中書臣閔恩毅

助教臣常循覆勘

總校官編修臣王燕緒

校對官助教臣汪錫魁

謄錄監生臣朱思

欽定四庫全書

兩宋名賢小集卷一百八十四

宋 陳思 編

元 陳世隆 補

李敷文詩集

李易字順之江都人好學多聞以清素見稱建炎初高  
宗駐蹕維揚策試進士易為第一以上憂勞辭聞喜  
宴從之授僉書江陰軍判官會金人犯江陰至夏港

距城數里守臣胡紉謂易曰吾曹義當死城郭君有  
母宜亟避之易歸告其母母曰我去則汝必無意堅  
守死生當與汝同之聞者感泣既而金人疑有備引  
去紹興元年為太常博士韓世忠辟為參謀轉工部  
員外郎為太常少卿自建炎維揚之變宗正寺所掌  
四書曰玉牒曰仙源積慶圖曰宗藩慶系圖曰宗支  
屬籍皆逸於江汭至是易請編次玉牒從之遷中書  
舍人改直秘閣知揚州以本貫辭不許官至數丈閣

待制提舉江州太平觀以疾請卒於秀州

竹西懷古

淮南昔繁麗富庶天下稱管弦十萬戶夜夜聞喧騰不  
徒竹西寺歌吹相豪矜一朝烽火急塵市為溝塍風月  
無歡場睥睨皆射堦荒荒野月白照地如寒冰自從畫  
江守歲歲輸金繒蕭條間井間水旱人頻仍我來經故  
里日暮此一登隋唐修已往遺跡幾廢興江山極蒼莽  
望之涕沾膺

居剡寄鄭天和

金庭洞在桐栢山山高一萬八千丈中有神仙不死區  
郁郁黃雲覆其上透岩流壑繞四旁面勢參差皆意向  
雞登天姥有時聞鶴在沃洲何待放彩衣大勝宮錦袍  
白髮奉親仍敬養異才爭出輔清朝爽氣自驚遊碧障  
古來無位有重名吾家謫仙陸魯望平生願到猶不諧  
矧復區區走俗狀桃源康樂舊鄉存路接風煙甘遠往  
渡江正謂九華丹石筍飛泉歸指掌鸞翔鵠浴傳異時

列岫方池閒想像剡溪隨處可卜居乘興扁舟正相訪

三懸潭

在貴門山半泉湧如噴三潭瀦焉上兩潭中有石破相界下瀝一大潭

鹿山今是貴門山

原名鹿門山朱大公改為貴門

盡室携扶萬壑間流

水相隨真自悟遙岑一望若為攀風翻竹鳴清如洗月  
過松扉靜不關潭底卧龍煩一起正須霖雨濟塵寰

題剡山所見

剡中無數野薔薇黃雲爛漫相因依玉杯淺琢承墜露  
金鐘倒挂搖晨暉斑竹筍行三畝地紅藥花開一尺圍



豆角嘗新小麥秀來禽長向櫻桃肥歌古隨風柳外轉  
翠花帶水煙中飛魚跳破浪奮赤鬣鶴唳投松翻縞衣  
鄉關萬里久無夢巖壑四年今息機叮嚀杜宇往江北  
為喚故人令早歸

卜居獨秀山

訪戴溪長近若耶金庭雪對赤城霞沼從鵲舉添蕭索  
峯似鸞翔解嘆嗟每愛林間百種蝶難忘竹外四時花  
剡川圖上他年指獨秀山前是我家

貴門卜築

貴門山在  
劍縣西南

亂後亦擇居筮山山輒許居民百餘家喜甚手欲舞云  
久聞公名此幸殆天與感茲鄭重意時節共難黍剡川  
非沃野地僻民更窶起時務擷茗餘力工搗楮寡婦念  
遺秉洿池憐數畧我欲教耦耕盡力循南畝桃杏種連  
山深居可長處東鄰有節士酒酣乃發語公昔起布衣  
高誼掩前古親擢類平津決見逢真主兩宮佇六飛萬  
乘思一舉交侵正倔强遽起益旁午浩然公獨歸偶出

寧有補默塞復何言長嘆汗如雨

剡溪幽居

勝絕剡溪邊巢枝度半年燕回銜落絮魚涌接飛泉  
丹鼎山頭氣茶爐竹外煙幽居已成趣佳句若為傳

咏吐綬鳥

昔人仙去斷丹梯憔悴深山吐綬雞百轉和鳴非我事  
漫將錦服擅幽棲

仙人洞

雲巖分佳茗風潭轟怪松書疑黃石授稅可紫芝供抵  
玉那驚鵲探珠欲近龍晚來聽近雨乞水濯塵容

羅漢石

在貴門山數石類僧踞  
水涯相對危坐故名

鐵騎侵淮海龍潭碧始通雲生倚寶刹月出見珠宮瀉  
澗水噴薄依巖樹鬱蔥神交難獨擅吾黨契元同

珠溪

玉龍劈山開南驚肆奔猛風蕩雪濛濛月流光炯炯壯  
氣動貴門前驅入蛟井萬籟息中消一區臨絕境奔雷

有餘音垂磬得深省白雲何所聞就宿孤峰頂

兩宋名賢小集卷一百八十四

欽定四庫全書

兩宋名賢小集卷一百八十五

宋 陳思 編

元 陳世隆 補

雪溪詩集

王銍字性之汝陰人昭素之後也博學有才識常同  
子正薦於朝視秩史官給札奏御時秦檜柄國迂其  
意遂遭擯斥嘗居廬山結詩社後避地剡溪山中日

以觴詠自娛著有默記國老談苑侍兒小名錄及雪

溪集

巫山高

十二危峰隱寒霧旁連三巴下三楚斷崖青黃聳天壁  
秀山蒼茫接天路鼓瑟玉京嬉帝旁下鎮九淵稱帝女  
冥心可見類相求夢裏襄王弼神遇鏘然玉佩似可期  
條爾霓旌去無所天風浩蕩吹太清萬里憑虛送飛步  
行雲行雨終不來歲月人間幾朝暮那知一戲疑萬古

至今不知高唐處仙兮神兮非與是流傳只有蘭臺賦  
山藏虎兕爭怒號峽束江水翻波濤舟楫寄命輕鴻毛  
猶起羨慕成譏嘲行人所見日卑淺仰首彌覺巫山高

送王敦素歸金陵

曉踏河堤月逢人問去舟已為羈旅客更挽別離愁索  
漠憐同姓丁寧數舊遊欲知幽獨意風露滿城秋

洪駒父泛舟將過潁同張仲宗出餞席間留詩為  
別且邀用韻



欽定四庫全書

兩宋名賢小集  
卷一百八十五

已作分携計尤傷送客歸經行汝南郡為問漢陰機晚  
菊饒秋色丹楓帶恨飛平生無別泪相對倍霑衣  
晚岼雲低月相隨照夢歸行藏嘆人境開闔任天機身  
與江山遠書尋鴻雁飛薄情怨青女偏解透征衣

芭蕉

六曲欄干院宇深影連苔色晝沉沉已將虛實論因果  
尤稱風流罵醉吟夢短不禁簾外雨愁多常怯檻邊陰  
可憐今古無窮恨卷在凋零如寸心

曉發石牛

匆匆車馬出清晨日淡風微已仲春松竹陰中山未盡  
梅花林外有行人

山中夜聞風雨

空山清夜寒無寐松檜搖聲風雨高行盡江湖忘巖壑  
猶疑遶屋盡波濤

關山月

戍樓炯炯關山月白首征人數圓缺關山不隔四時寒

夜夜冷光沙似雪照破天涯萬古心  
閨中又是經年別  
雁飛惟願得書歸月下有人魂  
斷絕閨中月下不勝情  
獨戍關山更堪說一時北關賀書多萬古  
西戎終不滅  
陽和待得活枯荻東風洗盡征人血

春郊

不斷烟蕪起暮愁無窮楊柳拂東流  
一聲歌罷香輪去  
只有斜陽伴畫樓

碧飛紅斷正傷春萬里天涯一病身  
芳草路長樓百尺

樓中更有凭欄人

墨君十詠

弄雨

一段風烟筆下開  
小枝帶雨思縈回  
障風一袖如相向  
說與嫦娥泪落來

藏巖

小年輕別廬山道  
林下微吟夜更幽  
影落人行半巖月  
五更風露一山秋

露葉

秀色娟娟自出塵  
曉枝更帶露華新  
清風一至如相語  
從此開簾來故人

霜節

春花秋葉不同時  
高節偏於墨色宜  
莫遣世間丹綠筆  
等閒俗却歲寒枝

舞月

江樓月下夜聞歌  
不奈忠州刺史何  
輕嫋腰支更清峭

柳枝何似竹枝多

遊石

渭水侯多失舊封  
平泉池館亂來空  
青青石上何人賞  
孤映暮山風雪中

欺雪

愛竹高風已自賢  
興來更泛剡溪船  
枝間清響風驚雪  
憶得東林夜宿年

雲梢

第五橋邊一徑遙  
滿林野竹立江郊  
鴛鴦浮破水  
涵影翡翠壓斜風  
舞梢

夜風

倚竹佳人生暮愁  
那知情伴夜蟬幽  
一山風月龍吟罷  
聲入江雲嫋嫋秋

憶昔

匡廬古寺暗松藤  
曾宿寒曦最上層  
火煖爐溫四山靜  
前溪風雪後窓燈

十二月中旬書戴溪亭

天上東風轉斗星天涯羈客尚飄萍  
道塗况復經殘歲風雪那堪宿旅亭  
春到怯添雙鬢白夜寒愁對一燈青  
殘年萬古淒涼恨不計樽前一醉醒

雪聲

飛滿前村夜不知憑風聲與靜相宜  
銀缸志士詩成後玉枕佳人夢覺時  
乍聽打窗投米急想同糝徑落梅遲  
孤舟曾向江湖宿清入寒蘆韻更奇



雨後登雙溪閣

夢寐登臨處漂流來此行長年為客意落日倚欄情雨  
過水光發風生雲態輕山川沈郎舊嶢絕有餘清

剡溪久寓

山水戴逵邑尚餘清興中千巖落花雨一徑卷松風酒  
茗延幽子圖書伴老翁長生吾不羨久悟去來同

芳草

會時曾憶梅籠雪別後常懷月照沙到底多情是芳草

長隨離恨遍天涯

晚望

春濃已伴客愁濃  
門掩雨餘江上峰  
莫道夕陽無一事  
遠颯眉黛更千重

寄題真州局岫寺

一峰秀色何高寒  
更於木杪橫飛欄  
荆吳形勝妙天下  
間鋪雲錦光爛斑  
山從千古混沌始  
江自萬里岷峩還  
江山無際真賞遠  
人境未知心境寬  
乃知萬象自變

滅我與天地俱清閒時來登覽健意氣興落烟靄空濛  
間宛如列岫在局鐫何待謝守窻中看仙壺日月悟世  
換蟻穴富貴驚夢殘易中求象山有天須彌納芥曾何  
艱乾坤橐籥一氣內鉅細兩不離區寰徑呼飛仙來取  
醉笙簫髣髴鏘佩環已鞭鸞鳳到三境何待虎豹號九  
關只今朱甍半落日誰繫畫舸臨蒼灣何當脫身戎馬  
際共契妙旨相追攀懷哉欲往波浪濶回首江南江北  
山

蔡天啟作中興碑詩且邀同賦

一日屠戮三庶人天理已盡殺氣昏青宮惴惴二十載  
免禍自求黃屋尊忠臣開除兩京路未知日月雙懸處  
歸來祈哀語可憐今日貴作天子父瀟湘江邊饒穹碑  
煙雲相連愁九疑南湖萬古長嗟地刺與屈賈添餘悲  
雄文漫即來作吏正色顏公謁西內兩賢憤託金石堅  
莫求此碑求此意休闖九閭訴帝旁莫化杜鵑啼故鄉  
磨崖難摧幽恨長水流不盡山蒼蒼

中秋招葉子謙

堂上月已滿樽中酒更空故人眇何許出門惟清風不  
如一夕飲所至皆能同悄然望玉杵無聲桂影中

別高子勉兄弟

南北奔波歲月催足間渾未洗塵埃休將舊事從頭說  
且喜新年入手來十里遠同傳信雁一枝同插未開梅  
濁醪有盡情無盡醉入都門首重回

別張自彊

燕子低飛入壞簷柳條輕拂綠毵毵故園更在北山北  
佳節可憐三月三萬古愁多憑濁酒九原事往落清談  
都門別恨終難寫滿眼風光思不堪

和趙德麟

故園春濃懶縱觀強尋幽徑步蹢躅風酣蕙草清香暖  
烟濕杏花紅粉寒但覺時光自吹換可憐人事幾悲酸  
百年未必長於夢虛作邯鄲枕上看

折楊柳

手拗楊柳贈行人情條恨葉江南春朦朧踈煙濕芳草  
搖蕩微風生白蘋長亭短亭銷離魂古情不盡今情新  
一聲驪歌幾聲哭行人去後春江綠歌哭相離江水頭  
相看不發情何屬江河到海有窮日輪蹄行路無已時  
路旁楊柳折已盡東風再換明年枝

送純師歸眉山吉祥寺

上人我喟秀冥冥聳高風依游王公間尚帶山水容謫  
仙信竒逸蜀僧論絲桐寂默誰為聽誤比萬壑松崎嶇

古今路勢利紛其中晚遺似高識物我無異同是心湛  
寒水處處流真空猶嫌百年勞剩此一枝筇忽懷煙霞  
想永念菽水供身為反哺烏更遂高飛鴻斜日澹歸袂  
不似秋色濃孤竹拾黃葉一笑千山重桑宿揮餘戀雲  
樓杳歸蹤從茲與明月相伴落何峰

送酒與許田史純風

塵土裝懷歲月侵賤官情味我能任龍鍾老態渾非昨  
索漠英游不可尋蝶遶書窓空費夢蟻浮玉笋不同斟



相望解寄重陽酒滿路西風黃葉深

白頭吟

浮雲高映天上月月華未落雲已滅濁水長羨清路塵  
濁水尚流塵已絕人心不如雲與塵變態無窮旋消歇  
我家火齊堆金盤朱樓鎖烟青冥端憶昨聞琴纔等閒  
夜奔臨邛相與還鳳皇曲成保懽樂驕驕裘典無艱難  
當爐滌器兩憔悴幾度暗啼愁遠山君儕狗監動人主  
君乘駟馬誇故園檄書訶譏蜀父老未足洒耻徒少恩

顏色何嘗不如舊自是心存憎愛問我方失意天地窄  
君視浮雲江海寬一身情易復情難百年有來終有去  
悽悽嫁娶不須啼出門萬里淪中路我憐秀色茂陵女  
既有新人須有故請把阿嬌作近喻到底君王不重顧  
若知此事為當然千金莫換長門賦

古意

有恨匆匆別無期緩緩歸天涯作孤客樓上對斜暉目  
斷路不斷魂飛花更飛無多清淚滴恐損別時衣

寒食

故國千峰外孤舟一水濱天涯未歸客江上欲殘春  
雁去銷魂久花開墜淚頻東風吹晚雨芳草路邊人

病中

久知身是幻況復病相侵古寺松篁瘦山空雨雪深  
定知書不達豈有客相尋伴我殘燈火應知夜夜心

春近

山雪銀屏曉溪梅玉鏡春東風露消息萬物有精神  
索

漠貧遊世龍鍾老迫身欲浮滄海去風浪濶無津

禹廟

書稱堯舜後禹獨錫成功須信賓天去何疑窆石空市  
聲朝夕變山色古今同誰與明真理蒼崖松栢風

夏后東階殞遺踪照路隅今觀四山拱猶是百神趨功  
已百王冠言猶萬古謨死生懷舜德舊邑對姚虞

重賦梅花

誰言今無返魂香年年枝上問孤芳韻高水天冷相照

清極雪月寒交光姑射神仙瑩冰骨水精宮人素霓裳  
缺年送牘各愁絕付與世間幽恨長

謝史純夫畫連昌宮圖頃歲京洛間作此今再觀  
舊本

筆下春風錦繡浮花光山影照清流唐朝憂樂君新意  
洛邑興衰我舊遊急雨打成今夜夢孤燈挑動昔年愁  
此身此畫俱非實白髮天涯萬事休

寄九峰覺老時自因勝退居

京江別我正堅冰拂袖歸來道更增又見嶺梅來驛使  
懶將庭柏對談僧半廊冷月溪山霧一炷幽香殿閣燈  
此亦世間愁絕處嶺猿歲晚哭寒藤

畢少董緒經圖詩

我知君子有常心誰謂春秋無定法常心定法皆一塗  
萬變在前吾不惑錦衣白馬青油客回首傷心淪異域  
縞帶喜贈延州來一見渾如舊相識片時偷生萬年泣  
倘得義存身乃立已將生死委天公要同筆削明我

跡偃蹇榻上書千卷坐使羣儒仆墻壁凜然紬史行天  
誅掃除坦塗大搜索贊辭自昔非游夏叛去於今無籍  
湜鴻雁書聞到上林管絃聲任來凝碧嫣然侍側兩少  
麗桃葉桃根莫能及豈尅梢輕露有華早梅花嫩春無  
力欲將婢子同君心豈料君心堅鐵石果聞遠使報還  
家萬里精誠初不隔書成初奏未央宮金馬石渠皆動  
色不與左氏作忠臣忠欲天王坐中國聖人大法先能  
識節義大閑今獨得傷麟嘆鳳非道窮千載相逢猶尺

尺尊王便是祝釐心聖人壽與天無極

送史純夫出疆

悠悠遠水李膺舟漠漠餘寒季子裘  
隔歲梅花新舊恨  
入春山色古今愁  
重游梁宋三千里  
看復關河四百州  
辨古縱橫報知己  
古人憑軾取封侯

秋日

半落庭前葉始知  
秋意新風嚴柳疎  
細霜薄水清句句  
裏存佳景詩中見  
古人一峰矜絕態  
雲外掩孤顚



杏花

玉人半醉暈豐肌何待武林花下迷  
記得鞦韆歸後約黃昏新月粉牆西

醉裏餘香夢裏雲又隨風雨去紛紛  
人間春色都多少莫掃殘英枉斷魂

古意

歌聲怨極珠難續琴韻愁深水易分  
公子何須賦巫峽夢中真復有朝雲

雨夜

去國襟懷離別情  
夜眠雨驛嘆孤征  
轉頭三十年前恨  
猶聽當時枕上聲

梅花二首

孤高來處自天枝  
上常先萬物新  
不有大寒風氣勢  
難開小朵玉精神  
冰溪影闌斜斜月  
粉鏡粧成澹澹春  
直伴東風到青子  
多情不逐雪成塵

古稱秀色若堪餐  
冷艷幽香畫更難  
草木盡枯風正惡

雪霜初霽月偏寒須知淨几明窓見不是蒼山迴野看  
羌笛一聲悲落盡傷心何待百花殘

次韻國香詩並序

表兄高子勉南平武信王孫學問文章知名四海黃  
太史自黔南召歸過荆南與為忘年友贈六言詩曰  
顧我今六十老付子以二百年此語豈易得哉太史  
沒後數年當政和癸巳歲與僕會都城暇日話香國  
事甚詳又賦長句相示因次其韻凡子勉詩中不言

者僕得以言之矣

百花零落悲春晚不復林園門可款待花結實春已歸  
到頭只有東風管楚宮女子春華數為雨為雲皆有餘  
親逢一顧傾國色不解迎入專城居目成未到投梭處  
會後難憑人已去可憐天壤擅詩聲不如崔護桃花句  
坐令永抱埋玉悲游子那知京兆眉難堪別鶴分飛後  
猶是驚鴻初見時新懽密愛應長久暫向華筵賞賓友  
舞盡春風力不禁困裏腰枝一樹柳座上何人贈翠翹

蜀州風調尤情饒  
濃酒暈上玉頰香煖紅酥疑欲銷  
佳人薄命古相似  
先後乃逢天下士  
但惜盈盈一水時  
當年不寄相思字  
宜州遺恨君能詳  
瘴雲萬里空悲涼  
無恨風流等閒別  
幾人鑒賞得黃香

夢中賦秋望

閣小寒宜遠林荒晚帶風遙  
山秋色外獨樹雨聲中  
念起三生異心傷萬境同  
此邦非我里隨意作流通

送楊道士歸蔡州

列子風回馭林宗雨墊巾花明千嶂晚雲暖一山春  
爐竈聊隨俗簪裾未稱貧壺公觀中路聞道接天津

用前韻寄洪駒父

共臨寒水別獨趨暮城歸萬事風前燭百年梭過機  
應尋騎鶴客重詠落霞飛才業終何補京塵化舊衣

江山霜落木千里一身歸去國憐張翰回舟為陸機  
烟林無際遠寒葉有聲飛何必少陵老悲傷未拂衣

徐師川典祀廬山延真觀用送駒父韻餞別四首

徐穉前風在何勞白首歸書來寄文錦詩報守寒機  
駢難同力鸞凰任自飛前村幽獨意且放酒淋衣  
都門兩河路誰送李膺歸人望終調鼎親慈早斷機  
漫虛崑閭集不盡羽翰飛酒聖君家事霜清怯減衣  
丁令飛昇去千年始一歸琳宮沉廬岳烟闕替塵機  
洞口斜暉入蒼崖素練飛水雲曾作伴愧我薜蘿衣  
匡阜如蓬島欲尋風雨歸烟藤猿嘯月雲碓水鳴機  
剡結餐霞侶深隨杖錫飛謝公行樂處山翠撲人衣

送李文若歸修水竝弔其兄商老之亡

子去何悽斷鄉關歲月深  
荒山寒帶雨古驛夜無生  
死風前燭音容夢裏身  
臨分感平昔揮淚到松筠

遊鴻福寺和闕子東

劉家古寺城南曲選得僧坊共醉吟  
野草幽花閒自媚黃蜂白蝶靜相尋  
半簷落日留難住滿地東風掃不禁  
漫道青春一分在池邊綠樹已成陰

秋晚洛中道上



數雁橫空送斷霞窮秋游子向天涯泉甘野店黃梁酒  
霜重荒原白菊花滿目劫灰傷井邑回頭佳氣戀京華  
故人他日如尋我試問雲溪舊釣沙

題沈休丈八詠樓

詩人不見舊樓空只見溪山與昔同望處地寬閒白晝  
坐來天濶剌清風六朝遺恨沉衰草八詠雄篇麗彩虹  
何待吟哦瘦消骨慙來佳賞自無窮

夜晴

雨脚初收天意晴西風搖落夜寒清披衣自起開窓看  
月落一山高下明

明覺寺折梅

遙山天際斂眉峰清淺溪邊淡粉容薄暮寺橋人獨立  
一燈明滅數聲鐘

追和淵明九日閒居詩

白髮不堪鏡殘骸寧久生已是夢中事那知身後名古  
今黃花節增重由淵明後來杜與蘇感慨皆同聲乘化

入無窮留恨何千齡今我遇佳節濁酒惟頻傾豈比區  
中士軒冕矜整榮滄溟芳歲晚古寺久客情洗滌流落  
歎支公句新成

中秋山間觀月

月出雲開天宇間幽居真賞異塵寰永輪孤掛夜千丈  
玉露密零秋一山莫望鄉關起愁色勝居沙漠慘離顏  
桂娥應恨無佳句不識幽人到老閒

望大梅欲回雪竇路險而止口占示同行

曉起尋幽意氣豪冥冥重霧濕征袍天扶寶勢千山拱  
海助寒聲萬籟高休數興衰兩蝸角從來憂樂一鴻毛  
了知終老林泉者渡水穿雲久亦勞

兩宋名賢小集卷一百八十五